

Swikolo swi hlohloteriwa ku endla swikombelo swa nsulo wa VAT

7 Mhawuri 2026 – Vukorhokeri bya Xibalo bya Afrika-Dzonga (SARS) byi kombela swikolo leswi tsarisiweke ehansi ka Nawu wa Swikolo swa Afrika-Dzonga leswi tsarisiweke tanihi van'wamabindzu va VAT ku endla swikombelo swa nsulo eka mitsariso ya swona ya VAT, ku landzela ncinco wa xinawu eka matirhiselo ma VAT eka swikolo ku sukela hi ti1 Sunguti 2026.

Ku sukela eka siku rero, miphakelo hinkwayo leyi endliweke hi swikolo a yi hakeli VAT, handle ka xiyimo lexi xikolo xi endlaka migingiriko leyi ringaneleke ya nhlayiso. Swikolo kwalaho swi nge hakerisi VAT kumbe ku susa VAT leyi hakerisiwaka mixaviso eka miphakelo leyi endliweke ku sukela hi ti1 Sunguti 2026 naswona swi fanele ku lulamisa mitlheriso yihi na yihi ya VAT leyi rhumeriweke khale eka mikarhi yo sukela eka siku rero loko swi fanerile.

Swikolo leswi khumbekaka swi nga tata VAT123e – Fomo ya xikombelo xa nsulo wa ntsariso no kombisa xivangelo xa nsulo tanihileswi: "Migingiriko hinkwayo ya bindzu yi yimeke hi ti 31 N'wendzambahala 2025". Fomo leyi tatiweke yi fanele ku imeyileriwa eka contactus@sars.gov.za na nhlokomhaka: "VAT deregistration – Schools". Hi le tlhelo, swikolo swi nga ha endla switshembisano swa vhichuwali hi ku tirhisa sisiteme ya eBooking ya SARS hi ku hlawula "Other" tanihi nkhetekanyo wa xivangelo na "VAT and PAYE registration/deregistration" tanihi xivangelo xa xitshembisano.

Laha VAT yo pfala yi faneleke ku hakeriwa, swikolo swi nga rhumela xikombelo xa malulamiselwa ma hakelo kun'we na fomo ya VAT123e. SARS yi ta sula ntsariso wa VAT endzhakukaloko VAT yo pfala yi tivisiwile no hakeriwa, kumbe endzhakukaloko xikolo xi landzelerile lulamiselwa ra hakelo leri ku pfumelelaniweke hi rona na SARS.

Swikolo leswi tsakelaka ku tshama swi titsarisrile tanihi van'wamabindzu va VAT mayelana no ringanela migingiriko ya nhlayiso swi fanele ku kuma ntiyisiso wo tsariwa ku suka eka Khomixinara hi ndlela ya vuahluri.

Ndzetelo wo engetelela wa kumeka eka webusayiti ya SARS eka:

- Xiletelo xa Rheferense xa VAT - Swikolo leswi Humaka eka Sisiteme ya VAT; na
- Swikolo leswi Humaka eka Sisiteme ya VAT: Swivutiso leswi Vutisiwaka hi Xitalo

Mayelana na vuxokoxoko hi xitalo, u komberiwa ku tihlanganisa na SARSMedia@sars.gov.za.

MAKUMU